


國立故宮博物院珍藏



清代起居注冊

光緒朝

第五十三冊

清國 立 期 限

請于下列日期前將書

下、 起 居 注 冊

威

光緒
朝
第
五
十
三
冊



0000027320

光緒二十一年九月	光緒二十一年八月	光緒二十一年七月下	光緒二十一年七月上	光緒二十一年閏五月上	光緒二十一年閏五月下
光緒二十一年九月	光緒二十一年八月	光緒二十一年七月下	光緒二十一年七月上	光緒二十一年閏五月上	光緒二十一年閏五月下
光緒二十一年九月	光緒二十一年八月	光緒二十一年七月下	光緒二十一年七月上	光緒二十一年閏五月上	光緒二十一年閏五月下
光緒二十一年九月	光緒二十一年八月	光緒二十一年七月下	光緒二十一年七月上	光緒二十一年閏五月上	光緒二十一年閏五月下
光緒二十一年九月	光緒二十一年八月	光緒二十一年七月下	光緒二十一年七月上	光緒二十一年閏五月上	光緒二十一年閏五月下
光緒二十一年九月	光緒二十一年八月	光緒二十一年七月下	光緒二十一年七月上	光緒二十一年閏五月上	光緒二十一年閏五月下
光緒二十一年九月	光緒二十一年八月	光緒二十一年七月下	光緒二十一年七月上	光緒二十一年閏五月上	光緒二十一年閏五月下
光緒二十一年九月	光緒二十一年八月	光緒二十一年七月下	光緒二十一年七月上	光緒二十一年閏五月上	光緒二十一年閏五月下
光緒二十一年九月	光緒二十一年八月	光緒二十一年七月下	光緒二十一年七月上	光緒二十一年閏五月上	光緒二十一年閏五月下
光緒二十一年九月	光緒二十一年八月	光緒二十一年七月下	光緒二十一年七月上	光緒二十一年閏五月上	光緒二十一年閏五月下

3750

清代起居注册 / 光緒朝 / (清) 徐致祥等奉敕撰, --
 民國76年：臺北市：聯合報文化基金會國學文獻館印
 行・影印本
 80冊 21公分
 據國立故宮博物院藏手稿本影印
 聯經出版事業公司總經銷

I. (清) 徐致祥等奉敕撰

654.77/7974/76

NTS 68,800.00

76.02.0650

.6500113

清代起居注册

光緒朝第五十三冊

資料提供者 國立故宮博物院

景印者 聯合報文化基金會國學文獻館

發行人 王必成

發行者 聯經出版事業公司

臺北市忠孝東路四段五六一號

電話：七六三一〇〇〇—六九五

郵撥：〇一〇〇五五九一三號

行政院新聞局登記證局版臺業字〇一三〇號
 保有版權・翻印必究

中華民國七十六年二月初版

光緒朝共八十冊
 定價每部新台幣六八八〇元

光緒二十一年歲次乙未閏五月初一日辛丑

上詣樂壽堂

慈禧端佑康頤昭豫莊誠壽恭欽獻崇熙皇太后前請安

內閣奉

諭旨李秉衡奏縣丞因事詐贓任性妄為請旨革職

驅逐回籍等語山東候補縣丞翁壽辦理黃縣軍

裝分局曾經團紳稟揭該縣丞情虛畏衆意圖反

噬竟敢臚款妄許實屬行同無賴翁壽著即革職
驅逐回籍交地方官嚴加管束該部知道又奉

諭旨李秉衡奏山東昌邑縣蠹役劉占沅平時貪毒
狡詐兇暴最著上年秋閒兵差過境該署縣張鴻
憲備價飭令雇車該役聚眾刁難復向鄉間藉差
訛詐小民受其搏噬不敢告發似此蠹役殃民最
為地方之害業經李秉衡提訊正法足昭炯戒第

念山東如此他省恐有不免著通飭各直省督撫
隨時訪察如有蠹役殃民即著從嚴懲辦以除積
蠹而安善良

是日

起居注官宗室綿文徐致靖

初二日壬寅

上詣樂壽堂

慈禧端佑康頤昭豫莊誠壽恭欽獻崇熙皇太后前請安

內閣奉

諭旨太僕寺卿林維源奏病難速痊懇請開缺一摺

林維源著准其開缺又奉

諭旨太僕寺少卿岑春煊奏假滿病仍未痊懇請開

缺一摺岑春煊著准其開缺又奉

諭旨奉天府府尹善聯奏假期屆滿病仍未痊籲懇
開缺一摺善聯著准其開缺又奉

諭旨李秉衡奏革員虧短交代鉅款潛匿無蹤請飭
嚴追一摺山東已革知縣畢炳炎前署鉅野縣任
內虧短正雜各款為數甚鉅延不完解請旨查抄
監追茲據李秉衡奏該革員潛匿無蹤難保不遠

飭他省著湖北巡撫及各直省督撫一體嚴密查
緝解往山東監追以重庫款該部知道

是日

起居注官準良曹鴻勳

初三日癸卯

上詣樂壽堂

慈禧端佑康頤昭豫莊誠壽恭欽獻崇熙皇太后前請安

內閣奉

諭旨奉天府府尹著松林補授又奉

諭旨謙光奏旗兵被毆身死知縣未能審明確供請

交部審辦一摺所有密雲縣駐防正黃旗滿洲前

鋒庚音布被毆身死一案著交刑部提集人證卷
宗秉公研訊確情按律定擬具奏

是日

起居注官宗室崇寬奏綬章

初四日甲辰

上詣樂壽堂

慈禧端佑康頤昭豫莊誠壽恭欽獻崇熙皇太后前請安

內閣奉

諭旨山東按察使著松壽補授又奉

諭旨福錕奏病難速痊假期又滿懇請開缺一摺福

錕在內廷行走有年平日辦事謹厚老成茲以久

病未痊陳請開缺著以大學士致仕加恩賞食全俸又奉

諭旨孫毓汶奏病難速痊懇請開缺一摺孫毓汶著賞假一箇月調理毋庸開缺又奉

諭旨刑部奏審明太監致斃人命按律定擬一摺太監門進福著照該部所擬絞監候秋後處決餘依議又奉

諭旨給事中洪良品奏刑部司員承審旗婦平宣氏
一案威逼人命請飭查辦一摺刑部司員覺羅崇
廉著先行解任歸入前案交啟秀徐鼐訊明辦理

是日

起居注官清銳戴鴻慈